

MBRE NKOMHYENYI SI KRON.

(The exalted status of the Holy Prophet (saw))

Kwarkwar bosoom 1, 2013

Nyamesemka wo nde Fida yi Hadrat Khalifatul Masih kasae faa Anohoba Messiah (Asomdwe nka no) no do kese nye etuhoakye a onyae maa Nkomhyenyi Kronkron (Nyankopon N'asomdwe na N'nyira ndwir no do) (NNN)

Fida a etwa mu ko no, odaa edzi wo Fida Nyanssem no mu de, oye Nkomhyenyi KronKron (Nyankopon N'asomdwe na N'nyira ndwir no do) n'awoda. Ampaara de, wobeye ekuwekuw ehyiadzi wo Pakistan man mu. Mbom esuahun a yeeya ma yehu de wonnkeka Nkomhyenyi no ne brapa nye no ho do ho nsem wo ehyiadzi no ase. Mbom kasa a wobotow amona pii no begyina ahohoraa na kasatsia wo Anohoba Messiah (Asomdwe nka no) (ANN) na n'asomba no ho. Dem ndzeyee yi besi pokyee wo Rabwah. De mbre otse noara, nkra a nsa aka kyere de dem ara na osii.

Wodze ehyiadzi no bi fii Rabwah keyee no wo beebi. Ahmadiafo nnyi ho kwan de wobo Nyankopon na Nkonhyenyi Mohammed hon edzin, mbom etsiafo no wo kwan wo biribiara ho. Adapaabo nye asor banodzifo no hon ndzeyee. Dza oda edzi nye de hon adapaabo no nnye fintsidua mma hen kanko ho; nokwar nye de hon nhyehye a wodze ko tsia hen nyinara piapia hen ko totseeye na mpemdo ho.

Anohoba Messiah (Asomdwe nka no) akyerew nsem pii a odze da no do a onnyi kabea edzi ma Nkomhyenyi Kronkron Muhammed (NNN). Dza oka faa no mudzi a obor Akomhyefo nyinara do nye iyi:

Nokwar mu nokwar nye de, onya a obor akomhyefo nyinara do no wo de oye nsakyer ho dansewa ma adasamba. Ow de oye obi a oasesa prae na ndzeyee hon a ow wiadze yi mu; obi a odze Nyame Kor nyimdzee a ayew dadaadaw no asan abobo adze no; odze nkyereasee na nkyerekyeremu aka gyedzi hun nyinara ahye, na o'eyi hon a hon adwen mu ye hon konsee ma w'ato pitsi ma w'ayew na wonngye nndzi; obi a o'akyer nokwar nkwaye kwan a omma ho kwan ma bio a ne tsir nnka ne nan nnka woombo no mbeamudua mu anaaso wodze Nyankopon a otse ase daadaa akoto obaa ne yemu; ono a o'ekenyan, na odze nokwar gyedzi ho nhyehye aba. Onam de dem nyimpa yi ho beye mfaso ama adasamba ntsi , ne gynamew bokron akyen obiara. Abakosem na Nwoma Kronkron dzin ho dase na enyiwa tsen biara so hwe nkyerekyer mu yi a nyimpa kor a osen Akomhyefo nyinara nye Hadrat Muhammed Mustafa (NNN) (Nyaa wasan mu eyi no) (Barhin e Ahmadiyya, Parts I &II Pg. 133-134 footnote)

Orekyerew fa Nkomhyenyi (NNN) no supa ho no, Anohoba Oba no kyereew de:

Se yehwe Moses no Mbotooye na mbre otobo ye n'adze a oda edzi de okron kyan Israel Nkonhyefo nyinara na Israel Nkomhyenyi biara nnyi ho; Jesus anaa obiara so mmben Moses wo ne gynamew mu. Torah si no tadua de, yeko no mbotooye na mbre otobo ye n'adze onye obrapa mu a Moses kron sen Akomhyefo a wowa Israel nyinara. Se yehwe Nkanee tsir duebien ne nyiyimu ebiasa a, oka de Moses ne mbotooye dzi mu dodow ma odasanyi a ow obra sar yi do.

Ayeyi a Nyankopon dze eyi Moses wo Torah mu no, Onnyaa Okonhyenyi biara wo Israel dem da. Oye nokwar de Nkomhyenyi Kronkron (NNN) ne brapa soronko a Nyankopon aka wo Koran Kronkron mu no boor Moses ne dze do mpempem. Nyankopon aka de obrapa a onnyi kabea a oheen Akomhyefo pii mu no ne nkabomu na oheen Okomhyenyi Kronkron (NNN) mu no, na okaa faa no ho de: ow na obrapa mapā ahye wo ma (68:3). Kasafua a odze 'azim' ne nkyereasee wo Arabik kasakowa mu nye adze a okron wo ne mudzi kyan adze biara. Se yefa no de dua bi wofre no 'azim' a n'asekyere nye de oye tsentsen, ne tatar mu so na oye kese so a dua biara wode onyin dem. Dem ntsi, dem Koran ne nyiyimu yi kyere de obrapa mapā onye suban wawaso nyinara a odasanyi wo de onya no, hyee Okomhyenyi Kronkron (NNN) no mu ma. Ampaara, iyi nye ayeyi a otu kafu mapā. Bio, w'ada no edzi wo Koran ne fa bi so de: Nyankopon ehuei N'adom nwawaso egu wo do na Okomhyenyi biara nnyi ho a onye ne gynamew beye per. W'ada no edzi wo David Adwomtow mu wo nkonhye a ofa Nkomhyenyi Kronkron (NNN) no ho: de mbre waka no dadaw no; Dem ntsi, Nyankopon, wo Nyankopon, dze ngo a odze enyigye baa sera wo a obor wo nsaefo dze do. Psalm, Oh.

Fida Nyamesem Ka: Kwarkwar bosom 1st , 2013 (1st Feb 2013)

45:160)(Brahin-e-Ahmadiyya, Ruhani Khaza'in Vol.1 pg 605-606, sub-footnote 3, Essence of Islam Vol. 1 pg 263-264).

Kan no a okron a wodze doom nyimpa a odzi mu no, wonnyi iynom mu: sor abofo, nworaba, bosoom, ewia, esupon, mbaka, obo kokoo, obo ebunibun anaaso asaase yi do adze biara mu. Owon nya a odzi mu mapā, a no kronye na no mudzi ye mfatoho mapā no, no mu. Oye hen ewuradze na hen wura, Akonhyefo no hon Tsitsir, Atseasefo mu Otsitsir, Muhammed (NNN), ono a w'asan mu eyi no. Dem kan yi wodze doom ono onye hon a wodzi do akyerepen akyerepen a hon ahyensew sesa kakra. Dem enyimnyam yi yehun no soronko koraa wo hen ewuradze, hen wurana hen okwankyerefo okomhyenyino a oye nwanza nwanano, chotseweefo no, ono a ahotseweefo dzii no ho dase no, Muhammed (NNN), ono a w'asan mu eyi no. (Aina Kamalat Islam, ruhani Khaza'in Vol. 5 pg 160 -162, Essence of Islam Vol.1 pg 197).

Otumfo Nyankopon ka no wo Koran Kronkron mu de: ka de, me mpaaboo na m'afarbo, na me nkwa onye mo wu nyinara ye Nyankopon dze, wiadze nyinara Wura no(6:163). 'Na ka de, iyi nye Me kwan a oko tootseen no. Ntsi fa do, na mma mmfa kwan biara do, ono wobotwe wo efi No kwan no ho. Ono nye dza Ope de eye aama eetum eyi hon akwa (6:154). "Ka de, se edo Nyankopon a ono ka me do: ono Nyankopon boko wo na odze wo mfomdo akye wo. Na Allah ye Bon fakyefo mapā, owo ehumbobor" (3:32).....M'etu moho ahye Allah ne nsa (3:21)..... Na w'ahye me de menfa moho mma wiadze nyinara Wura no (40:67).

Anohoba Messiah (asomdwe nka no) no akyerew dem Koran ne iyiyim yi wo no buukuu Aina Kamalat Islam dze da no edzi pefee kyere nkoseafo a woka de Nkomhyenyi Kronkron ne mudzi wo Nkomhyefo nyinara do no wonnda no edzi pefee; mbom wofa okomhyenyi Kronkron n'enumsem (Ahadith) bi a no mu ye mberew dze fua hon ekyimgye no ekyir. Nkomhyenyi Kronkron n'enumsem a wofa dze hon ekyimgyr no ekyir nye nkyerekyeremupa nko do. Mbom dem nsem yi da Nkomhyenyi Kronkron (NNN) n'ahobrase edzi kyere de ompe de woma no gyenabew a okron sen Akomhyefo no.

Anohoba Messiah (asomdwe nka no) akyerew wo no buukuu ('Haqiqatul Wahi' footnote pg 101-104) de, odo soronko a Nkomhyenyi Kronkron (NNN) n'esuafon nyae maa no kanyaan hon ma wodze hon pe tuu honho maa. Anohoba Messiah (ANN) kyerekyeremu kyere de, dem etuhoakye yi wonnhu wo Nyankopon Nkomhyenyi biara hon akadofo biara mu na okodo kyere mu de onam ne mpaeboo soronko do dze mfe duebiasa daan n'esuafon ekotoboo a wowa Makka ma wobeyee kuw a woye ahotseweefona a woyee ndzeyee tsenenee. Oka de nsorba nsorba nkaa no poow gyedzi wo Nyame kor mu mbom dem gyedzi yi ne nhyira etsim wo Islam som mu, onam adom a owo Nkomhyenyi Kronkron (NNN) ne mpaeboo mu ntsi. Anohoba Messiah (ANN) no si no pi de siantsir a onam do ma nkrofo a nna wowa ndadaa Akonhyefo hon aber do no ammfa Nyame kor (Taqwa) gyedzi annyee edwuma de mbre Islamfo gyee dzii nye de Akonhyefo no ennya nkenyan soronko amma hon nkrofo de mbre Nkomhyenyi Kronkron (NNN) nyae maa n'akadofo no.

Ber a Anohoba Messiah (ANN) rekyerekyere Nkomhyenyi Kronkron (NNN) n'awawadze a oye no, okyerew de: Se onyimpa kegyina dem gyinabew a onye Nyame dzi ehya a, otum ye biribi a obor odasanyi no tum do na onya Nyame tum. Yemfa no de, Badr oko mu no, okomhyenyi toow mbosadwe nsapuw ma guu atamfo ho do wo nwanwa kwan bi do a onam mbosadwe no boboo bobo atamfo no enyiwa ma dem ntsi woehu hwee ma wo totototo epitsi.

Dem anwanwadze yi yefa no wo Koran iyiyimu de: Ber a etoow mbosadwe nsapuw ma no, nnye owo na etowee, na mbom Nyankopon na otowee (8:18). Iyi kyere de Nyame tum nna oreye edwuma wo nsumaa mu no: na onyimpa no tum nkotum aye iyi. Onam dem kwan yi ara do Nkomhyenyi Kronkron (NNN) paae bosom mu ebien a onam Nyame Tum do. Mpaeboo nntaa dza oye ye ekyir mbom otseen ne nsatseaba a Nyame tum ahye no ma no wo bosom no do keke. Tumdze pii na Nkomhyenyi Kronkron yee a onam no tum do a mpaeboo ntaa ekyir. Mber pii, odze ne nsa tseaba too kooow a nsu wo mu ma a nsu baa pii ma nduadzeba nye efuponko na mpokonko nomee eso nna nsu no da ho taa kooow no mu. Mber pii so, ne nsa too paanoo emuemu abiasa anaaso anan do ma mpempem a okom dze hon dzii dze kum hon kom ano. Mber pii so, ohyiraa merekye simaabi do ma nkrofo nomee ma okor hon yie. Mber pii so, otoo n'anomu ntafi guu bura bi a no mu nsu ye tuntum ma odaan nsu a wonom. Mber pii, odze nsa too epirafo hon pirakur do dze saa hon yar. Mber pii, odze nkrofo a hon enyiwa etutu wo nseraban do hyehyeee hon anan mu. Odze nhyira a ofi ne nsamu dzii dem dwuma no. Odze ne tum dzii dwuma pii a nna Nyame tum taa ekyir.(Aina Kalamat e Islam, Ruhani Khaza'in Vol.5 pg 65-66, Essence of Islam Vol.1 pg 274-275).

Fida Nyamesem Ka: Kwarkwar bosom 1st , 2013 (1st Feb 2013)

Anohoba Messiah (ANN) sii no pi aber biara de onam Nkomhyenyi Kromkron (NNN) do huun Nyankopon. 'Hen kra na adze kumaabi biara owo hen nyimpadua mu bo no mu adze ma Otumfo no. Nokwar na Nwansanwansa Nyame, Ono a okora biribiara na abodze kumaabi biara nna ne mfafakuwa biara naam no do bae; na onam Ne tsipia do ntsi abodze biara gyina. Biribiara nnkotsir no wo Ne Nyimdzee mu, Ne tumdzi anaaso N'abodze ho. Ye sere nhyira mpempem onye asomdwe na ehubbobor ma Nkomhyenyi Kromkron Muhammed (NNN) ono a wosan mu eyi no; onam no do yeehu otseasefo Nyankopon a oma hen nsenkyeredze a onam N'asem no do ma yehu de owo ho. Onam ne nsenkyeredze soronko do ma yehu no su faefew de owo tum nwanwaso ommba adze da. Yehun Somafo (NNN) no a odaa Nyankopon edzi maa hen na yehun Nyankopon no a onam No tum a fi biara nnyi ho no do bo biribiara. No tum ye kese dodow ntsi biribiara a obobob adze no ennkotsir no na biribiara so nnketsena ase a obokwetsir No mboa. Dem hen nyankopon Nokwarfo yi wo nhyira a yennkotum akan, tum a yennkotum akan, ahofew a yennkotum akan na ayemyie a yennkotum akan. Onyame biara nnyi ho ka noho (Nasim-e-Dawat, Rehani Khaza'in Vol.19 pg 363, Essence of Islam Vol.1 pg 39).

Anohoba Messiah (ANN) da no edzi daa de adze biara a wozde doom no no, nam Nkomhyenyi Kromkron (NNN) ne mudzi ho. No buukuu a okyerew no wo Arabik kasa mu no otoo no dzin "Ninan-ur-Rahman, kyereew de: Ampaara, wo Nyame mu, me kunyimdzi yi fi Nyankopon nkyen. Dem ntsi, miyi no ayaw na mesere nhyira ma Arabia Nkomhyenyi no. Wonom no do na woma nhyira nyinara dwurii na wonom no do na ndzamba nyinara dwurii. Ono na odze dua no ndwow na ne mbabaa maa me. Na Omaa me ntsetsewee na me haban yii ndobaa. Ono nye otsetsewfo mapā (Minan ur Rahman, English Translation pg 77).

Anohoba Messiah (ANN) kor do kyere mu de: Medze No dzi nsew de, de mbre onye okomhyenyi Abraham, Isaak, Ismael, Jacob, Joseph, Moses na Jesus, Mary ba no na woyinom, ekyir no onye hen Nkomhyenyi Muhammed (NNN) ka kasae a no mu da ho eso no mu piw; demara so na odze Ne kasaa na yikyere hyee me enyimnyam. Siantsir tsitsir a ohyee me enyimnyam nye mbrehoadze a meye maa Nkomhyenyi Kromkron Muhammed (NNN) no. Se nna mennka Nkomhyenyi Kromkron (NNN) no kuw no ho a, na so nna mennye ne kadofa a, ono se me ndzeyepa beyee de nokwaa a owo wiadze nyinara mpo a, nkyen, mennkenya kasa ho enyimnyam wo Nyame nkyen osiande Nkomhye nyinara aba ewie gyede Nkomhyenyi Muhammed (NNN) ne nkomhye nkō. Nkomhyenyi Muhammed (NNN) ekyir no Nkomhyenyi biara odze ne mbra nam no nnkeba bio. Nkomhyenyi a onkefa mbra fofor aba no botum aba, mbom odzi kan no owo de oye Nkomhyenyi Kromkron (NNN) n'ekyirdzifo.

Anohoba Messiah (ANN) no kyereew de: Ndaase a onnyi kabaa nka wo, O Nyankopon, de ama hen kwankyerew wo kwan a odze ba wo nkyen, na etwitwa agye hen efi bon ho adwendwen na edze Wo mbuukuu kromkron no adom hen. Ye sere nhyira ma Akomhyefo nyinara hon tsitsir, Hadrat Muhammed Mustfa (NNN), ono a wosan mu eyi no, onye n'asefo na n'asomfo. Onam no do ma Nyankopon awowaa wiadze ne fanandze nyinara a wayew efi kwan tsenenee no mu. Oye kyerekyerenyi na odomfo a odze hon a wayew sanee baa kwan tsenenee no do, ono a oye oymyiefo na owo ehubbobor a oyii nokoro fii "shirk" mu (enyamesom mu) na abosom mpaamba ho, ono a oye kan na otow kan petse na odze Nyame kor (Tauhid) ho kan no hyereen wiadze, oyarsafo na oduyefo a omaa akoma otat baha no fa tsenenee kwan no do.

Oberampōn a oye anwanwadze a odze nkwa edur nyan owufo; owo a eye mboborhufu na adyedyekykyefo a etsee yaw na idzii awerehow maa wo dom. Owo a igyina pintsiin eso eye okokodurfo a egyee hen fii owu nsa, ahobrasefo na etuhuakyefo; ono a obobob ne tsir adze maa n'Ewuradze wo ahobrase kotooye mu, owo a egye Nyame kor no dzi na wo nyimdzee kese ntsi biribiara ammba wo hu gyede Nyankopon no Tum kese no; ibuu biribiara a oka no ho no de oye egyangyandze; Nyankopon ne nsamu anwanwadze a ennsua nwoma naaso inyaa Nyankopon ho nyimdzee kye obiara na emaa amanaman huun hon mfom na sinto a wohun amandze wo ho (Brahin-e-Ahmadiyya pg.25-26).

Hadhrat Khalifatul Masih ka de oye muslimnyi biara n'asodzi de obototo asere nkyia na nhyira (Durood) ama Nkomhyenyi Kromkron (NNN) osiande se anye iyi a nnkotum ahye odo a owo de edze do no no ma. Bio, asoye a Durood nnka ho wonngye nntum. Siantsir pokyee a owo de yeka Durood nye okomhyenyi Kromkron (NNN) no ho do.

Anohoba Messiah (ANN) akyeremu de: De mbre emi mara mutu fo no, owo de yedze botae bi si hen enyiwa do dze ka Durood de Otumfo Nyankopon bowora ne nhyira nwansanwasa no egu Ne Obirempōn

Fida Nyamesem Ka: Kwarkwar bosom 1st , 2013 (1st Feb 2013)

Nkomhyenyi Kɔnkɔn (NNN) no do, naaye no nhyira mu otsitsir ama wiadze nyinara na ɔada N'enyimnyam na nhyirenee wɔ wiadze yi mu ɔnye ndaambankwa. Dem mpaabo wɔ de wɔbo no sunsum mu de mbre obi kɔ ahokyer mu a ɔbo no. Ampaara, ɔwɔ de yedze ahobrase kɛse na nktosere bo dem mpaa yi. Onnyi de yedwen henara hen yesu. Mbom, botae no nye de eboto Nyankopɔn Ne nhyira no ammona Nkomhyenyi Kɔnkɔn (NNN) ma ne kɛseye ahyeren wɔ wiadze na ndaambankwamu. Iyi nye botae tsitsir a ɔwɔ de wogyina do. Aber biara ɔwɔ de yetwe hen adwen gyina anapa na ewiaber do kɛpem ber a yennketse biribiara nka wɔ hen akoma mu gyede iyi nktosee (Maktoobat e Ahmad Vol.1 pg.523)

ɔkyerew bio so de: Hom nkɔdo nka Durood Sherif. Hom nsera nhyira mma Nkomhyenyi Kɔnkɔn (NNN) wɔ nokwardzi na enyigye mu ma ɔnye de obi resere nhyira ama no ɔyefo. Onnyi de obi ye de ɔdze ahobrase na ntɔserereye iyi na mbom omfi n'akoma mu. Mbom ɔwɔ de wɔdze ɔbo soronkɔ na nkitahodzi mapɔ sere ma Nkomhyenyi Kɔnkɔn (NNN) wɔ akoma na sunsum mu. Senkyeredze a ɔkyere onyimpa no do nye de obi mberɛ eso ɔntsetsee, eso ɔmper mma n'ara noho mbom ɔkrantse Durood kyere de ɔdze Otumfo Nyankopɔn rema Nkomhyenyi Kɔnkɔn (NNN).

Anohoba Messiah(ANN)kyerew bio de: ɔyesua hu a m'anya wɔ ber a merekrantse sere nhyira ma Nkomhyenyi Kɔnkɔn (NNN), Nyame N'adom bi a ɔtse de kan hyerane kɔr bae a Nkomhyenyi Kɔnkɔn (NNN) wɔ no kɛhyee no bomu na ɔsane puie ye ntsiantsia pii ke henhen obiara a ɔfata no wɔ ne gyanbew ntsi. Ampaara de, obiara nkenya adom gyede ɔnam Nkomhyenyi Kɔnkɔn (NNN) no do. Se yeresere nhyira ma Nkomhyenyi Kɔnkɔn (NNN) a ɔma n'ahengua no ma no mu do ma kan pii fi mu puie. Obiara a ɔpe de onya Otumfo Nyankopɔn N'adom no, wɔ de ɔkrantse nhyira ntoatodo ma no, ama dem adom akyedze no asoer (Al-Hakam, 28 Feb. 1903 pg.7, Essence of Islam Vol.1 pg.210-211)

Anohoba Messiah (ANN) wɔmaa ɔkrantsee Durood a ɔkomhyenyi Kɔnkɔn (NNN) dze n'ano dehye no kae no. wɔkyerew ase kɔr Borɔfo kasa mu de:

O Nyankopɔn, hyira Muhammad, de mbre ihyiraa Abraham na Abraham no nkrɔfo. Ampaara de ɔwo Ese ayeyi, Onyimnyamfo.

O Nyankopɔn, ma Muhammad na no nkrɔfo nye prɔmprɔm de mbre ɔwo ihyiraa Abraham na no nkrɔfo. Ampaara de, ɔwo efata ayeyi, Onyimnyamfo.

Ber a ɔrekyere nyansa a ɔwɔ Durood mu no, Anohoba Messiah kaa de: Nkomhyenyi Kɔnkɔn (NNN) nnhia obiara ne mpaabo mbom no mu ye hu papaapa. Obiara a ɔbo pe de onya adom na nhyira no ma obi no, ɔnam ɔbo a ɔwɔ no wɔ nyimpa kor no ho no ntsi, onya nyimpa kor no ne nyimpasu no bi. Na de mbre Onyame kortsee no dze enyimnyam a onnyi kabea adom Nkomhyenyi Kɔnkɔn (NNN) no, hɔn a wɔkrantse Durood gu Nkomhyenyi Kɔnkɔn (NNN) no do no na wɔdze nhyira ma no no; ɔnam no ho do ntsi no hɔn so wobenya nhyira mbor do. Mbom se sunsum mu akɔndɔ na ɔbo nnyi mu a, enyimnyam a ɔwɔ mu suar.(Maktoobat e Ahmad Vol.1 pg.534-535).

Hadhrat Khalifatul Masih kenkan awensem kumaabi a Anohoba Messiah (ANN) no kyerewee a wɔtoo no dzin "Qaseeda" a ɔpa ɔkomhyenyi Kɔnkɔn (NNN) no do ho tam:

Akyingye biara nnyi hɔ de Muhammad na ɔye abɔdze nyinara mu otsitsir.

Ebirempɔn hɔn ahyensew

Me ka no Nyame mu kotoo de ɔno nye Nyame N'edziekyir

Na wɔnam no do kodu Nyankopɔn Otumfo no nkyen

Ampaara de wɔakɔn me kɔ sunsum bea mu

ɔnam no tum a ɔye fɔfɔ ntsi

Wɔmbɔ ose! Iyi ye nwanwa! Mbre oesi akɔn me kɔ sunsum tsebeamu

O mowura (Nkomhyenyi Kɔnkɔn (NNN)), ampaara m'aba wo abobow a, Ber a nkrɔfo rehaw me de mennye gyedzinyi yi

Fa w'ehumbɔr na w'ayemuyie hwe me

O mo wura (wɔ sunsum mu) wo bonyi a ɔbra no ho adze sen obiara.

Mo human dua reper etu aba wo hɔ,

Mbre mepɛ de mutu kɔ sor sor no ho a!

Katseankye m'anya tum etu.

Hadhrat Khalifatul Masih serɛ ntseasepa wɔ Nkomhyenyi Kɔnkɔn (NNN) ne gyanbew ho ama yeafa do. Se wɔdwen hen ho den ara mpo a, yensɔr mma Muslim Ummah. Hɔn mu dodowara na wɔkɔ tsia hen ɔnam nyimdze a wonnyi ntsi anaaso hɔn banodzifo no ho suro ntsi. Mbom hɔn nyinara tow kɔ hen wura

Fida Nyamesem Ka: Kwarkwar bosom 1st, 2013 (1st Feb 2013)

Nkɔmhyenyi Krɔnkron (NNN) n'afa, dem ntsi hom mma yensɔr mma hɔn ɔnam awerehow tsebea a wɔwɔ mu no ntsi. Muslim aman pii reye atɔ pitsi ahwe ase. Nyankopɔn nhu hɔn mbɔbɔr. Hɔn banodzifo nnyi Nyanesuro. Nyame mma wonya noho suro.

Amanfo so rekyere mfom kwan a wɔdze dɔ ɔman ma dem ntsi ɔrehaw hɔn man no. Ketseankye wɔdze perperye na tɔtseeeye akyere hɔn dɔ ama hɔn man, ɔno ndzamba reye agye nsamu ma se ɔko do demara a ɔbedan baako tumdzi ɔman. Ekuwekuw a wɔatsetsew wɔ Islam dzin mu dze basabasaye aba. Aa! Nkye wiadze eyi hɔn akwa. Wɔresɛe Islam n'ahɔfɛw. Hɛn mbɔdzenbɔ nye de nkye yebe da Islam no nokwar no edzi na ewurkadze a dem ekuwekuw yinom reye ye fintsidua kese. Nyankopɔn mmpam dem nkorɔfo yi mber tsiabaa mu na ɔmboa hɛn ma yeendzi hɛn ahyɛdze do.

Afei Hadhrat Khalifatul Masih dze ewufo nkaabɔ ebien bi too gua. Woyinom nye Ahsan Ullah Sahib a ofii mu wɔ Sanda 19, 2013 na Najmi sahib a ɔka Arab Desk ho a ofii mu wɔ mfeda Mumu 2012.

Translated by: Mr. Alhassan Kobina Atta-Wenchie
(Tutor in English Language, Jamiatul Mubashireen, Ghana)

Downloaded from: www.jamiatulmubashireen.org
Contact: www.jamiatulmubashireen.org/contact-us